



ՀԱՍՏԱՏՈՒՄ ԵՄ՝

Շրջակա միջավայրի նախարար

Համբարձում Մաթևոսյան

«06» 08 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ N 200 - 25

Նախաձեռնող՝

«Սպիտակի թռչնաբուծական կոմբինատ» ՍՊԸ

Լոռու մարզ, Սպիտակ, Շիրակի փ., խճուղի 144

Գործունեությունը՝

Սպիտակ համայնքի Սպիտակ բնակավայրի
Շիրակի խճուղի 144 հասցեում 3 թռչնանոցի
կառուցմամբ գործունեության ընդլայնում

Լոռու մարզ

Առդիր՝ 3 թերթ

հզորությունը բարձրացնելու նպատակով նախատեսում է կառուցել ևս 3 թռչնանոց՝ տարեկան միջին արտադրողականությունը հասցնելով մինչև 300000 գլուխ թռչուն: Նախատեսվում է տարեկան արտադրել մինչև 4,500 տոննա թռչնամիս:

Պատճառաբանական մաս. Փորձաքննական գործընթացում ՇՄԱԳ հաշվետվության վերաբերյալ, Օրենքով սահմանված կարգով, պետական կառավարման, տեղական ինքնակառավարման մարմիններից և շրջակա միջավայրի նախարարության համապատասխան ստորաբաժիններից ստացվել են կարծիքներ, դիտողություններ և առաջարկություններ: Ստացված կարծիքներն ամփոփվել են, որոնց ավելացվել են նաև մասնագետի դիտողություններ ու առաջարկությունները և հաշվետվությունն ուղղարկվել է «Սպիտակի թռչնաբուծական կոմբինատ» ՍՊԸ-ին լրամշակման:

Օրենքով սահմանված կարգով կազմակերպվել և իրականացվել են հանրային լսումներ Սպիտակ և Արևաշող ազդակիր բնակավայրերում: Հանրային լսումների ընթացքում բարձրաձայնվել են մի շարք հարցեր՝ կապված սանիտարապաշտպանիչ գոտու չափի ապահովման, բնակելի տարածքում առկա գարշահոտության, թռչնաբուծարանի առանձնյակների և բրոյլերների թվաքանակի վերաբերյալ, որով պայմանավորված է սանիտարապաշտպանիչ գոտու չափը: Հարկ է նշել, որ թռչնաբուծարանի առանձնյակների և բրոյլերների թվաքանակի վերաբերյալ տեղեկատվությունը փորձաքննության ընթացքում հստակ ներկայացված չի եղել:

Ազդակիր բնակավայրերի բնակիչները նշել են, որ ընկերության գործունեությունը շատ կարևոր է համայնքի համար, քանի որ հիմնական աշխատատեղեր է ապահովում համայնքի համար, ինչպես նաև աջակցում է համայնքում իրականացվող սոցիալական ծրագրերին: Կարևորելով աշխատատեղերի ստեղծման փաստը՝ Արևաշող բնակավայրի բնակիչները փաստել են, որ տարածքում առկա է ֆոնային գարշահոտություն, որը տարվա շոգ եղանակին ավելի արտահայտիչ է դառնում:

Ընկերությունը պատրաստակամություն է հայտնել ձեռնարկել մի շարք միջոցառումներ՝ նվազեցնելու բացասական ազդեցությունները բնակավայրերի վրա, որի համար նախատեսել է երկշերտ ծառատունկի իրականացում հողամասի հարակից տարածքում, հատուկ նյութերի կիրառում և բիոգազի արտադրություն՝ գարշահոտությունը նվազեցնելու համար: Նշված միջոցառումների ապահովման վերաբերյալ ՇՄՆ գրություն է ներկայացվել ընկերության կողմից: Հարկ է նշել, որ ամենամոտ բնակելի տունն ընդլայնվող արտադրական տարածքից գտնվում է 177 մետր հեռավորության վրա, իսկ սանիտարապաշտպանիչ գոտու չափը՝ քաղաքաշինության կոմիտեի նախագահի 2024 թվականի փետրվարի 1-ի N 06-Ն հրամանով սահմանված, հնարավոր չէ ապահովել ընդլայնման գործունեության արդյունքում:

Սանիտարապաշտպանիչ գոտու խախտման արդյունքում բնակավայրերում կարող է լրացուցիչ ավելանալ շրջակա միջավայրի վրա հնարավոր բացասական ազդեցությունները՝ ներառյալ գարշահոտությունը: Հարկ է նշել, որ նախատեսվող մեղմացող միջոցառումները



նախապես չեն ներկայացվել հաշվետվության մեջ և հաշվարկներով չի հիմնավորվել այդ միջոցառումների իրականացման արդյունքում սանիտարապաշտպանիչ գոտու սահմանված չափի հնարավոր կրճատումը՝ ինչը սահմանված է վերոնշյալ հրամանով:

Պետական փորձաքննական եզրակացությունը կազմվել է հիմք՝ ընդունելով հետևյալ փորձաքննական հիմնավորումները.

1. «Սպիտակի թոչնաբուծական կոմբինատ» ՍՊԸ-ի կողմից նախատեսվող երեք թոչնանոցների կառուցման միջոցով արտադրության ընդլայնման արդյունքում չի ապահովվում քաղաքաշինության կոմիտեի նախագահի 2024 թվականի փետրվարի 1-ի N 06-Ն հրամանով սահմանված սանիտարապաշտպանիչ գոտու չափը:
2. Հաշվետվության մեջ չեն գնահատվել ազդակիր՝ Արևաշող բնակավայրի վրա նախատեսվող գործունեության բացասական ազդեցությունները, չեն ներկայացվել տարածքում գարշահոտության լրացուցիչ ավելացման վերաբերյալ տեղեկատվություն, դրա մեղմման կամ վերացմանն ուղղված համապատասխան միջոցառումները և հիմնավորումները, ինչպես նաև թոչաբուծարանի առանձնյակների և բրոյլերների քանակական հստակ ցուցանիշները:

ԵԶՐԱՓԱԿԻՉ ՄԱՍ

Հաշվի առնելով վերը նշված հիմնավորումները և ղեկավարվելով Օրենքի 15-րդ հոդվածի 1-ին մասին 3-րդ և նույն Օրենքի 30-րդ հոդվածի 2-րդ մասի 3-րդ կետով «Սպիտակի թոչնաբուծական կոմբինատ» ՍՊԸ-ի կողմից փորձաքննության ներկայացված Լոռու մարզի Սպիտակ համայնքի Սպիտակ բնակավայրի Շիրակի խճուղի 144 հասցեում նախատեսվող 3 թոչնանոցի կառուցմամբ գործունեության ընդլայնման շրջակա միջավայրի վրա ազդեցության գնահատման հաշվետվությանը տրվում է պետական փորձաքննական բացասական եզրակացություն:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջին կարգի մասնագետ՝

Սուսաննա Անտոնյան